

O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. José A. López Rodríguez
(Delegado Provincial da Consellería de Medio Ambiente)

VOCALIS

Dña. Mª Luisa Pardavila Pazos
(Avogado polo Colexio da provincia)
D. Manuel Francisco Gutierrez
(Xefe do Servizo de Montes e Industrias Forestais)
D. Luis Mª Muiños Vidueira
(Letrado da Asesoría Xurídica da Xunta)

VOCALIS REPRESENTANTES DA PARROQUIA DE VALEIXE DO CONCELLLO DE A CAÑIZA
D. Enrique Gómez Alvarez
D. Indalecio Giraldez Pérez

SECRETARIA

Dña. Pilar Pita Ponte
(Xefa de Sección do Servizo Técnico-Xurídico da Delegación de Medio Ambiente)

Na cidade de Pontevedra, sendo as dezasete horas do día vinte de febreiro do 2003, coa asistencia das persoas ó marxé reseñadas, reúnese na 3ª planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "*Chan das Touzosas e outros*" da parroquia de Valeixe do concello de A Cañiza.

ANTECEDENTES DE FEITO

PRIMEIRO.- Con data 30/12/94 D. Adolfo Álvarez Gesteira no nome e representación da comunidade de montes veciñais en man común da parroquia de Valeixe, como presidente, solicitou a clasificación como veciñal en man común dos montes "*Chans das Touzosas, Chans, A Portela e outros*" da parroquia de Valeixe, do Concello de A Cañiza.

SEGUNDO.- O Xurado Provincial de Clasificación de Montes Veciñais na súa reunión de data 20/06/95 acordou iniciar os trámites para a clasificación dos referidos montes, así como a remisión do expediente ó Servizo de Montes e Industrias Forestais para o seu estudo e informe.

TERCEIRO.- Na sesión do día 3 de abril do 2002, o xurado adoptou o acordo de nomear relator do expediente de clasificación a D. Manuel Francisco Gutierrez.

CUARTO.- Cumprida e observada a tramitación legal e regulamentariamente esixida, nin no trámite de audiencia, exposición pública no Concello e publicación no DOG, nin ó longo da tramitación do expediente, non se formulou oposición á clasificación instada nin por parte do Concello nin de particulares. Así mesmo, segundo certificación rexistral que consta no expediente, as referidas parcelas non seguen inscritas a favor de persoa algunha.

QUINTO.- Os montes "Chans, Santo Anxo, A Portela, Paralonga de Pintelos, Chan de Valeixe, Do Cubo e Chan das Touzosas" obxecto do presente expediente de clasificación, obedece á seguinte descripción:

Concello: A Cañiza

Parroquia: Valeixe.

Nome do Monte: Chans

Cabida: 5,40 has

Lindeiros:

Norte, Sur, Leste e Oeste: Propiedades particulares de Angel Giraldez Alvar, Amador Fernández, Albino Giraldez, Filomena Alvarez, Benito Almuiña, Germán Troncoso, Odilio Rodríguez Fernández, Fátima Martínez Alvar, Ezequiel Mera, Augusto Alvarez Montero, Antonio Alvarez Montero, Familia Antonio Parada e José López Castillo

Nome do Monte: Santo Anxo

Cabida: 3.059 has

Lindeiros:

Norte, Sur, Leste e Oeste: Linda nos catro puntos cardinais con fincas particulares agás no Oeste que o fai amáis cun camiño; algúns dos propietarios destas fincas son:

José Arca Santamaría, José R. Gómez Estévez, Sergio Troncoso Buceta, José Gómez Fernández, Ernesto Troncoso Buceta e José R. González Rodríguez

Nome do Monte: A Portela

Cabida: 0,45 has.

Lindeiros:

Norte: Camiño

Sur, Leste e Oeste: Fincas particulares de Odilo Rodríguez Fernández, Mariano García, Manuel Alvarez Miguélez e Leopoldo Pérez González

Nome do Monte: Paralonga de Pintelos

Cabida: 30 has.

Lindeiros:

Norte: Monte de Parada

Sur: Río Luneda e fincas particulares

Leste: Estrada e fincas particulares

Oeste: Río Luneda e monte de Luneda

Algúns dos propietarios destas fincas son os seguintes: Mercedes Gómez Santamaría, Jesús Santamaría, Dolores Pérez Romero, Carmen Romero, José Anibal Prieto, José

Pérez Romero, Germán Martínez Gil, Julia Pérez Baquero, Ramona Gesteira, Pablo Moisés, Carlos Alberto Rodríguez, Soledad Iglesias, Dora Cobas, José Martínez Gesteira, Manuel Gesteira, José Paz, Sofia Vidal, Rosa Estévez, Cándido Martínez, Ignacio Domínguez e Nemesio Rodríguez

Nome do Monte: Chan de Valeixe

Cabida: 2,30 has.

Lindeiros:

Norte: Camiño de Villar a A Rúa e fincas particulares

Sur e Leste: Térmo municipal de Crecente

Oeste: fincas particulares

Algúns dos propietarios destas fincas son os seguintes: Faustino de Villar, Indalecio González Pérez, Servando Fernández Lorenzo, María Rodríguez Pérez e Adolfo Costal Miñotera

Nome do Monte: Do Cubo

Cabida: 0,60 has

Lindeiros:

Norte: Camiño de Sibeí e fincas particulares

Sur: Estrada de Arbo

Leste: Regato do Val de Ramallos

Oeste: Fincas particulares

Algúns dos propietarios son os seguintes: Amador Vidal, Manuel González, Laura Alvarez Fernández, Luis Troncoso, Sara Faro, Francisco Alvarez Fernández, Carmen Martínez, Narciso Olivier e Adolfo Pazos Troncoso

Nome do Monte: Chan das Touzas

Cabida: 0,50 has.

Lindeiros:

Norte: Estrada A Cañiza-Arbo

Sur: Fincas particulares

Leste: Fincas particulares

Oeste: Estrada A Cañiza-Arbo

Algúns dos propietarios das fincas son os seguintes: Carmen Fernández Rodríguez, Manuel Ribeiro de Pías, Jesús Santamaría, Josefa Fernández Alvarez, Cecilia Fernández Alvarez, José Santos Fernández, Esther Blanco, Araceli Casal, José Luis Castro e Pablo González Vidal

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende entender por montes veciñais en man común *"... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños"*.

Así, segundo abundosa xurisprudencia, o feito que xustifica a clasificación ou non como vecinal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.

Terceiro.- Coa solicitude non se acompañou copia de documentos onde se poida constatar que en tempos mais ou menos antigos, os referidos montes tiveran un uso comunal, aínda que tales probas non se consideran suficientes tendo en conta a evolución lexislativa deste tipo de propiedade característica do dereito civil de Galicia, recoñecéndosele o carácter de "imprescriptibilidade" a partir da Compilación Foral de Galicia de 1963, sendo este dato fundamental na interpretación do artigo primeiro da Lei 13/1989 onde se definen os montes veciñais en man común, por dous elementos característicos que son a súa pertenza a agrupacións veciñais na súa calidade de grupos sociais e non como entidades administrativas, e que se veñan aproveitando consuetudinariamente en réxime de comunidade sen asignación de cuotas polos veciños.

Esta segunda característica dos montes veciñais, como xa ten dito o Tribunal Supremo na sentenza do 24/04/2000 e o Tribunal Superior de Xustiza de Galicia, constitúe unha clara referencia a un período temporal de presente e non dun pasado máis ou menos remoto.

A entidade promotora do expediente non achegou ningunha proba para acreditar a existencia do uso comunal durante as últimas décadas, polo que témonos que basear nos informes emitidos polo Servicio de Montes.

Cuarto.- Trátase en realidade de sete parcelas perfectamente delimitadas por camiños, ríos, regatos, estradas ou sinais identificables no monte, considerándose suficiente a planimetría achegada para indentifica-los montes sobre o terreo, sendo aproveitado veciñalmente no seus esquilmes, pastos e madeira.

En consecuencia, vista a Lei galega 13/1989, do 10 de outubro de montes veciñais en man común e o seu regulamento, aprobado por Decreto 260/1992, do 4 de setembro, e demais preceptos legais e regulamentarios, de xenérica e específica aplicación ó caso examinado, propónse polo Instructor e de maneira unánime o Xurado **ACORDA:**

CLASIFICAR como veciñal en man común os montes “Chans”, “Santo Anxo”, “A Portela”, “Paralonga de Pintelos”, “Chan de Valeixe” “Do Cubo” e “Chan das Touzosas” a favor dos veciños da parroquia de Valeixe do concello de A Cañiza por reuni-los requisitos establecidos no artigo 1 da Lei 13/1989, do 10 de outubro, de montes veciñais en man Común, e correspondéndose coa descrición reflectida no feito quinto e a planimetría elaborada para o efecto polo Servizo de Montes e Industrias Forestais, que forma parte inseparable da presente Resolución.


Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



[Handwritten signatures and initials over the stamp and text]



MONTE "PARALONGA DE PINTELOS" SUP. = 2,00+15,30 = 17,30 Has. Aprox.
 MONTE "CHAN DAS TOUZOSAS" SUP. = 0,50 Has. Aprox.



MONTE "SANTO ANXO" SUP. = 3,059 Has. Aprox.
 MONTE "CHAN DE VALEIXE" SUP. = 2,30 Has. Aprox.

Nº DA FOLLA	OBSERVATIONS : Folla 3/3	AUTOR :	DATA : MARZO-2.003	TRABALLO : CLASIFICACION DE MONTES	 CONSELLERIA DE MEDIO AMBIENTE SERVICIO DE MONTES DELEGACION DE
262-16 262-16	Nestes planos non se inclúen as superficies clasificadas no ano 1979	SECCION TOPOGRAFIA	ESCALA : 1/10.000	CONCELLO : A CAÑIZA PARROQUIA : VALEIXE	
	6 comunidade de Valeixe			COMUNIDADE : VALEIXE	